

## Script Of Evening Gojri News Bulletin 12 June 2024 at 1700 Hrs

ايوننگ گو جری نیو ز بلیٹن مو رخہ 12 جون 2024

\*\*\*\*\*

یوہ آکا شوانی جموں ہے محمد سفیرتے اظہر حسین تیں خبر سُنو۔ پہلاں خاص خاص خبر۔

\*\*\*\*\*

\*1۔ کٹھوعہ مانہہ حفاظتی دستاں تے دہشت گرداں غے مابین چل رہیا ٹاکرہ مانہہ 2 دہشت گرد ہلاک کر دتا گیا ہیں تے 1 سی آر پی ایف جوان شہید ہو گیا ہے۔ اے ڈی جی پی انند جین نے دسیو ہے جے علاقہ مانہہ آپریشن اجوں وی جا ری ہے۔

\*2۔ ضلع ترقیاتی کمشنر کٹھوعہ تے سانہہ نے رواں سال غی شری امرناتھ جی یا ترا واسطے کیا گیا انتظامات غو تفصیلی جائزو ليو اور اس سلسلہ مانہہ لکھن پور یاتریاں واسطیسہولتی مرکز غی 24 گھنٹہ دستیابی، 12 ریڈیو فرقیو نسی انڈنٹیفیکیشن کونٹر تے 36 رہائشی مراکز قائم کیا جا رہیا ہیں۔

\*3۔ اٹھارویں لوک سبھا غو اجلاس آندہ 24 جون نانہہ منعقد کیو جا ئے گو \*4۔ تے پختہ حفاظتی انتظامات غے نال 5 ہزار تیں متا لوک جن مانہہ زیا دہ تعداد کشمیری پنڈتاں غی ہے نے کشمیر مانہہ ہو رہیا سلانہ کھیر بھوانی میلا مانہہ حصولین واسطے جموں تیں اپنا سفر غو آغاز کیو۔

\*\*\*\*\*

خبران غی تفصیل نال پہلاں اظہر حسین ۔

### Kathua Doda Terror Attacks

ضلع کٹھوعہ مانہہ حفاظتی دستاں تے دہشت گرداں بشکار گذشتہ شام نانہہ ہوا ٹاکرا مانہہ 2 دہشت گرد ان نانہہ مار مکایو گیو ہے۔ جد کہ اس ٹاکرا مانہہ اک سی آر پی ایف جوان شہید ہو و اور اک شہری وی زخمی ہو و ہے۔ یوہ تصادم اُس ویلے شروع ہو و جد کوٹہ موڑ غے قریب سیدہ سکہل گراں مانہہ اک رہائشی مکان مانہہ بڑھ غے دہشت گرداں نے حفاظتی دستاں ور گولی با ری شروع کر دتی۔ اس گولی با ری مانہہ اک شہری تے اک سی آر پی ایف کا انسٹیبل زخمی ہو گیا۔ سی آر پی ایف جوان نانہہ اعلاج معالجہ واسطے سب ضلع ہسپتال پیرا نگر ٹوریو گیو جت وے زخماں غی تاب نہ لاتاں واں دم توڑ گیا۔ اڈیشنل ڈائریکٹر جنرل جموں زون انند جین نے اج کہیو ہے کہ کٹھوعہ مانہہ گولی با ری غا تصادم مانہہ 2 دہشت گرد ماریا گیا ہیں۔ انہاں نے دسیو جے یوہ تصادم گذشتہ شام نانہہ شروع ہو و تھو اور اج دوپہر تک جا ری رہیو ہے۔ تاہم تلاشی کا روائی جا ری ہے۔ انہاں نے دسیو جے ماریا گیا دہشت گرداں توں ہتھ گولہ، دھماکہ خیز

مواد، امریکی ساختہ ایم 4 کا ربن اور دیگر جنگی سامان برآمد ہوؤ ہے۔ اسے طرح کل رات بھدرواہ غا چتر گلہ مانہہ فوجی چوکی ور دہشت گردانہ حملہ غے بعد ڈوڈہ ضلع مانہہ حفاظتی دستاں مانہہ نمایاں اضافو کر دتو گيو ہے۔ اس حملہ مانہہ فوج غا 5 جوان زخمی ہوا ہيں۔ ضلع مانہہ تقريباً 20 سالان مانہہ اس طرح غو پہلو واقعو ہے۔ تاہم زخمی ہوا جواناں نانہہ طبی امداد دتی جا رہی ہے۔ حفاظتی دستاں نے ڈوڈہ بھدرواہ قومی شاہراہ ور متعدد چوکی قائم کی ہيں۔ گڈیاں غی تلاشی اور مسافراں غی حفاظت نانہہ يقيني بنان اور مزید واقعات نانہہ روکن واسطے سخت نظر رکھی جا رہی ہے۔

\*\*\*\*\*

## SANJY 2024 Samba

ضلع ترقیاتی کمشنر سانہہ نے گذشتہ کل ڈی سی دفتر کا نفرنس حال مانہہ میٹنگ کر غے 2024 غی شری امرناتہ جی یا ترا بارے کیا گیا حفاظتی انتظامات غو جائزو لیو۔ اس میٹنگ غے دوران ایس ایس پی سانہہ ونئے کمار نے حفاظتی انتظامات بارے جانکاری دتی۔ اس موقع ور اڈیشنل ڈپٹی کمشنر سانہہ سُریش شرما نے ضلع مانہہ یا تریاں واسطے قائم کی گئی 26 رہائش گاہاں ور پانی، بجلی، صفائی ستھرائی، تے کھان پین غا دیگر مکمل انتظامات غی اہمیت ور زور دتو۔ ڈی سی موصوف نے یا تریاں واسطے چچی ماتا تے نُوناتہ ور ریڈیو فرقیونسی آئیڈنٹیفیکیشن کوئٹر غی وی سراہنا کی۔

\*\*\*\*\*

## SANJY 2024 Kathua

ضلع ترقیاتی کمشنر کٹھوعہ راکیش منہاس نے ضلع غا متعلقہ افسراں نال میٹنگ کر غے سال 2024 غی شری امرناتہ یا ترا واسطے کیا گیا انتظامات غو جائزو لیو۔ انہاں نے افسراں نانہہ ہدایت دتی جے وے اس سال متی تعداد مانہہ یا تریاں غی آمد نانہہ مد نظر رکھتاں واں تمام تر تیاری وقت تیں پہلاں ہی مکمل کر لیں۔ اس موقع ور یوہ فیصلو لیو گيو جے اگر م موسم خرابی وغیرہ غی وجہ تیں یا تریاں نانہہ رُکن پے گيو تاں انتظامیہ 12 ہزار 5 سو یا تریاں غی رہائش غا مخصوص انتظامات کرے گی۔ جس واسطے 36 رہائشی مراکز قائم کیا جائیں گا۔ اور جموں بنیا دی کیمپ ور بھیڑ نانہہ کہٹ کرن واسطے لکھن پو ر مانہہ یا تریاں غی پشان کرن واسطے ریڈیو فرقیونسی آئیڈنٹیفیکیشن کا وُنٹر قائم کیا جائیں گا۔ ڈی سی موصوف نے متعلقہ افسراں نانہہ کہیو جے وے یا تریاں غی حفاظت، رہن سہن، کھان پین وغیرہ بارے کیا گیا منصوبہ غی تفصیلاً جانکاری پیش کریں اور انہاں نے متعلقہ محکمہ نانہہ حکم دتو جے آپس مانہہ رَل مل غے تمام تر ضروری انتظامات نانہہ يقيني بناویں۔

\*\*\*\*\*

## DC Eid

ڈپٹی کمشنر جموں سچن کمار ویشے نے عید الضحیٰ غے پیش نظر گذشتہ روز اک جامع میٹنگ طلب کی جس مانہہ بغیر کسے رکاوٹ اس تہوار واسطے کیا گیا انتظامات غو جائزو لیو گیو۔ اس میٹنگ مانہہ ضلع افسران تے متعلقہ محکمہ غا نمائنداں نے شرکت کی جس مانہہ تہواراں واسطے اہم پہلواں و ر تو جہ مرکوز کی گئی۔ انہاں نے جموں میونسپل کارپوریشن مانہہ ہدایت جا ری کی کے ویں شہر مانہہ صفائی ستھرائی مانہہ برقرار رکھن واسطے کوشش تیز کریں۔ اس تیں علا وہ ایشیاء ضروریہ بارے معیار غا معائنہ غو کم، محکمہ خوراک، محکمہ بھیڑ پالن، اور محکمہ صارفین امور بارے معائنہ کرن واسطے کہیو گیو تا نجے رہائشیاں مانہہ عید غے دوران اعلیٰ معیار غی اشیاء تک رسائی حاصل ہو سکے۔ اس دوران پین غا پانی اور بجلی غی فراہمی جیسی ضروری خدمات وری زور دتو گیو۔ اور تمام شراکت داراں غے درمیان تعاون اور ہم آہنگی غی حوصلہ افزائی کی۔

\*\*\*\*\*

## PM Yoga

وزیر اعظم نریندرمودی نے اپنا سماجی میڈیا اکاؤنٹ وری ورکش آسن یوگا ویڈیو سانجھی کی ہے۔ جس مانہہ آن آلا یوگا تہاڑہ غے پیش نظر اس غا فائدہ بیان کیا گیا ہیں۔ آج اک سماجی میڈیا پوسٹ مانہہ جناب مودی نے کہیو کہ ورکش آسن غا متعدد فائدہ ہیں جن مانہہ توازن اور حالت مانہہ بہتر بنان مانہہ مدد ملیں۔

\*\*\*\*\*

## Minister Charge

آج نرملا سیتھارمن نے نویں دہلی مانہہ مرکزی وزیر خانہ تے کارپوریٹ امور غو عہدو سنبھالیو ہے۔ اپنو عہدو سنبھالنا توں بعد انہاں نے مرکزی وزیر خزاہ اور کارپوریٹ امور غا وزیر غا طور وری دوبارہ کم کرن غو موقعو دین واسطے وزیر اعظم نریندرمودی غو شکریو ادا کیو۔ اس غے نال ہی سڑک ٹرانسپورٹ تے شاہراں غا وزیر نتن گڈکری نے وی اپنو عہدو سنبھالیو۔ اس موقع وری انہاں نے وزیر اعظم نریندرمودی غو یوہ عہدو دین واسطے انہاں غو تہ دل توں شکریو ادا کیو۔

\*\*\*\*\*

یہ خبر تم آکا شوانی جموں تیں سُن رہیا ہیں خبراں غا باقی حصہ نال محمد سفیر۔

## Parliament Session

اٹھارویں لوک سبھا غو پہلو اجلا س رواں مہینہ غی 24 تا ریخ نانہ منعقد کیو جائے گو۔ جس مانہ نو منتخب شدہ ممبراں غی حلف برادری تے لوک سبھا اسپیکر غو انتخاب کیو جائے گو۔ اس غے علا وہ صدر جمہوریہ پارلیمان غا دوہاں ایواناں نال اک مقام ور خطاب کریں گی۔ یا درہ جے راجیہ سبھا غو اجلا س 27 تا ریخ نانہ منعقد وے گو۔ اور اس طرح پارلیمان غو یوہ اجلا س آئندہ 3 تا ریخ نانہ اختتام ور پُجے گو۔ واضع رہ جے اس بارے پارلیمانی امور غا وزیر کرن رجیجو نے سو شل میڈیا پوسٹ غے ذریعے اظہار کیو۔ انہاں نے کہیو جے مُلک غی عوام نے اپنو فیصلو لے لیو ہے ہُن ممبر پارلیمان غی ذمہ داری ہے جے وے مُلک و قوم غی خدمت کریں۔ اور کہیو جے پارلیمنٹ مُلک غا 140 کروڑ عوام غا مُدعاں تے مشکلات ور سوچ وچار کرن اور ان غو حل ڈھونڈن غو بہترین پلیٹ فارم ہے۔

\*\*\*\*\*

## Mela Kher Bhawani JK

اج جموں توں 5 ہزار توں متا لوکاں نے جن مانہ زیا دہ تر کشمیری پنڈت برادری گا ارکان ہیں سخت حفاظتی بندوبست غے بشکار وادی کشمیر مانہ سالانہ کھیر بھوانی میلہ واسطے اپنو سفر شروع کیو۔ آکا شوانی جموں غا نامہ نگار نے خبر دتی ہے جے 4 روزہ یا ترا غو آغاز اج صوبائی کمشنر جموں رامیش کمار، رلیف کمشنر مائیگرینٹ ڈاکٹر اروند کا روانی اور ممتاز کشمیری پنڈت رہنماواں نے جموں شہر غا نگر وٹہ علاقہ توں یا ترا نانہ جھنڈی دس غے روانہ کیو۔ سالانہ کھیر بھوانی میلہ جھپڑو ذیشت اشٹمی نانہ منایو جائے۔ 14 جون نانہ گا ندربل تلمولہ، کپواڑہ مانہ ٹکر، اننت ناگ مانہ لکتی پورہ اشٹمک، کلگام مانہ ماتا تریپور سُندری، دیوسر اور کلگام مانہ ماتا کھیر بھوانی منزگام شرانین ور وی منایو جائے گو۔ امرناتھ یا ترا غے بعد یوہ وادی مانہ ہندو برادری غو سب توں بڑو تہوار ہے اور جموں کشمیر مانہ اس کی بڑی اہمیت ہے۔

\*\*\*\*\*

## SM VD Heli- Service

شری ماتا ویشنو دیوی آن آلا یا تریاں گا سفر نانہ آسان بنان غا سلسلہ مانہ شری ماتا ویشنو دیوی شران بورڈ آئندہ 18 تا ریخ تیں جموں توں سانجھی چھت ہوائی سفر غی خدمات غو آغاز کر رہیو ہے۔ آکا شوانی جموں غا نمائندہ گلشن رینہ نے اطلاع دتی ہے جے بورڈ غا چیف ایگزیکٹو افسر انشول گرگ غے مطابق یاہ ہوائی خدمات آن یا تریاں واسطے ہے جھپڑا بھون غو درشن اک ہی دن

مانہہ کرنو چاویں گا۔ اس سلسلہ مانہہ بورڈ 2 قسم غا پیکج متعارف کر رہیو ہے۔ جس مانہہ اک ہی دن واسطے فی فرد ٹور غی قیمت 35 ہزار روپیہ اور 2 دن غا ٹور غی قیمت 50 ہزار روپیہ وے گی پنچھی ہیلی پیڈ ور پُجیا یاتریاں نانہہ اگے بیٹری کار مہیا کرائی جائے گی۔ اور بھیرؤ مندر ور پوجا کرن گا سلسلہ مانہہ درشن کرن غی خصوصی رسید تے پر شادی وی دتو جائے گو۔ اور درشن تیں بعد واپس جموں تک ہوائی رستے آئیو جائے گو۔ جد کہ رات رُکن آلا یاتریاں نانہہ بھون مانہہ کمرو، اٹکا آرٹی غے علا وہ تمام دیگر ضروری سہولیات دتی جا ئیں گی۔ یا درہ جے مذکورہ یا ترا واسطے اس ویلے ہوائی سفر غی سہولت تیں سانجھی چھت تک میسر ہے جس مانہہ فی فرد غو کرایو 21 ہزار روپیہ ہے۔

\*\*\*\*\*

## NEET FAQ

رواں مہینہ غی چار تاریخ نانہہ ہوا نیٹ نتائج ور تضاد نانہہ لے غے امتحان کران آلی ایجنسی نے اس بارے اکثر پوچھے گیا سوالات جاری کیا ہیں۔ این ٹی اے نے کہیو ہے جے امتحانی مراکز ور گُجھ طلباء غو وقت ضائع ہون غا تناظر مانہہ انہاں نانہہ رعایتی نمبرات دتا گیا تھا۔ اس سلسلہ مانہہ شکایات غا آزالہ واسطے اک کمیٹی بنائی تھی جس نے حقائق غی بنیاد ور مذکورہ نمبرات دتا۔ اک سوال یعنی 1 طالب علم 719/718 نمبر امتحان مانہہ کس قاعدہ غے تحت لے سکیں اس غا جواب مانہہ این ٹی اے نے دسیو جے معاوضہ غا طور ور 2 طلباء نانہہ 718 تے 719 نمبر دتا گیا ہیں۔ اس بارے مرکزی وزارت تعلیم نے 4 ممبران ور مشتمل اک کمیٹی بنائی ہے جہیڑی 15 سو طلباء نانہہ رعایتی نمبرات دین غی چھان بین کرے گی۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔